

**Edicto**

Elevado a definitivo o acordo plenario adoptado en sesión celebrada o pasado día 28/09/2005, aprobatorio da "Ordenanza fiscal reguladora da taxa pola prestación do servizo de asistencia ó Centro de Atención á Primeira Infancia", por non haberse presentado contra o mesmo reclamación ou alegación ningunha publicase a continuación dando así cumprimento ó determinado no artigo 70.2 da Lei 7/1985, de 2 de abril, de Bases de Réxime Local.

Barreiros, 29 de febreiro de 2006 .- O ALCALDE

**ORDENANZA FISCAL REGULADORA DA TAXA POLA PRESTACIÓN DO SERVIZO DE ASISTENCIA Á GARDERÍA INFANTIL DO CONCELLO DE BARREIROS**

Artigo 1º.- Fundamento e natureza

Ó abeiro do previsto nos artigos 20 e 57 do RD Lexislativo 2/2004, de 5 de marzo, polo que se aproba o texto refundido da Lei reguladora das facendas locais, e de conformidade co disposto nos artigos 15 a 19 do referido texto legal, o Concello de Barreiros establece a taxa pola prestación do servizo de asistencia ó Centro de atención á primeira infancia do Concello de Barreiros, que se rexerá pola presente ordenanza fiscal.

Artigo 2º.- Feito imponible

Constitúe o feito imponible da taxa a estancia ou asistencia dos usuarios dos servizos prestados no Centro de atención á primeira infancia do Concello de Barreiros.

Artigo 3º.- Suxeitos pasivos

Serán suxeitos pasivos contribuíntes as persoas físicas ou xurídicas, así como as entidades a que se refire o artigo 35 da Lei Xeral Tributaria, que soliciten os servizos prestados no Centro de atención á primeira infancia do Concello de Barreiros para as persoas beneficiarias dos mesmos.

Artigo 4º.- Responsables

1. Responderán solidariamente das obrigas tributarias tódalas persoas que sexan causantes dunha infracción tributaria ou que colaboran na súa comisión.

2. As responsabilidades esixiranse en todo caso nos termos e de acordo co procedemento previsto na Lei Xeral Tributaria.

Artigo 5º.- Cota tributaria

A cota tributaria será o resultado da aplicación das tarifas contidas no artigo seguinte, fixándose as mesmas en atención á capacidade económica dos suxeitos pasivos, tendo en conta a renda per cápita da unidade familiar.

Artigo 6º.- Tarifas

6.1. Tarifas en horario ordinario, comprendido entre as 8,00 e as 19,00 horas, podendo ser en xornada completa (estancia no centro de ata 8 horas diarias) ou en réxime de media xornada (estancia no centro de ata 5 horas diarias).

Xornada completa:

**TARIFA DE PREZOS**

Tramos de renda per cápita		Asistencias	Con comedor
Contías en función do S.M.I.	Contías ano 2005		
Inferior ó 30% do SMI	De 0 a 153,89	0	0
Dende o 30% do SMI e inferior ó 50 % do SMI	De 153,90 a 256,49	0	16,50
Entre o 50% e o 75% do SMI	De 256,50 a 384,74	33,00	49,50
Superiores ó 75% e inferiores ó 100% do SMI	De 384,75 a 512,99	66,00	82,50
Entre o 100% e o 150% do SMI	513,00 a 769,50	99,00	132,00
Superior ó 150% do SMI	769,51 en diante	110,00	143,00

Media xornada:

**TARIFA DE PREZOS**

Tramos de renda per cápita		Asistencias	Con comedor
Contías en función do S.M.I.	Contías ano 2005		
Inferior ó 30% do SMI	De 0 a 153,89	0	0
Dende o 30% do SMI e inferior ó 50 % do SMI	De 153,90 a 256,49	0	8,25
Entre o 50% e o 75% do SMI	De 256,50 a 384,74	16,50	24,75
Superiores ó 75% e inferiores ó 100% do SMI	De 384,75 a 512,99	33,00	41,25
Entre o 100% e o 150% do SMI	513,00 a 769,50	49,50	66,00
Superior ó 150% do SMI	769,51 en diante	55,00	71,50

Estas tarifas actualizaranse en base ás tarifas publicadas pola Xunta de Galicia para os centros dela dependentes.

6.2. Renda per cápita.

Terá a consideración de renda per cápita mensual o resultado de dividir polo número de persoas que compoñen a unidade familiar, o cociente resultante de dividir entre doce a suma dos ingresos totais anuais da unidade familiar.

Defínese a unidade familiar como a formada polos cónxuxes non separados legalmente e, no seu caso, os fillos e fillas menores de 18 anos con excepción dos que, con consentimento dos pais, vivan independentes destes e os fillos maiores de 18 anos cunha minusvalidez superior o 33% e os incapacitados xudicialmente suxeitos á patria potestade prorrogada ou rehabilitada ou os así declarados pola administración autonómica competente.

Nos casos de separación legal ou cando non existira vínculo matrimonial, a unidade familiar estará formada polo pai ou a nai e tódolos fillos e fillas que convivan cun ou outro e reúnan os requisitos descritos no parágrafo anterior.

A determinación dos membros da unidade familiar farase atendendo á situación existente a 31 de decembro de cada ano.

Para os efectos desta ordenanza, ten a consideración de ingresos a suma da parte xeral maila parte especial da base imponible previas á aplicación do mínimo persoal e familiar do imposto sobre a renda das persoas físicas.

#### Artigo 7º.- Beneficios fiscais

##### a) Exencións.

Estarán exentos do pago da cota aqueles contribuíntes con ingresos inferiores a 153,89 euros de renda per cápita mensual.

##### b) Bonificacións

- 20 por cen no caso de nenos/as que pertencen a unha familia numerosa.

- 20 por cen no caso de nenos/as que pertencen a unha unidade familiar monoparental.

- 20 por cen no caso de asistencia dalgún irmán ó mesmo centro de atención á primeira infancia e 30% no caso de parto múltiple.

Os anteriores descontos, cando se dean nunha mesma persoa, serán acumulables.

#### Artigo 8º.- Devengo e obriga de pagamento.

A taxa devéngase e nace a obriga de contribuír dende o momento no que se inicie a prestación do servizo.

Establecido e en funcionamento o servizo, as cotas aboaranse polos suxeitos pasivos nos dez primeiros días de cada mes e serán irreducibles.

Non se aboará a cota do mes de vacacións correspondente ó verán.

Non será de aplicación esta exención ás vacacións distintas ás estivais, salvo causa debidamente xustificada.

Se con carácter excepcional o Centro estivese pechado durante un período superior a 15 días consecutivos non se aboará a cota correspondente a dito período.

A non asistencia do neno/a durante un período determinado non suporá a redución na cota a pagar mentres non se normalice a baixa correspondente.

O suxeito pasivo poderá solicita-la domiciliación do pago da taxa, nestes casos ordenarase o cargo en conta bancaria durante os primeiros dez días do período de pago.

#### Disposición Adicional.

Para todo o non previsto neste texto será de aplicación o disposto no RD Lexislativo 2/2004, de 5 de marzo, polo que se aproba o texto refundido da Lei reguladora das facendas locais, no Regulamento de Servizos dos Entes Locais, na Lei reguladora das Bases de Réxime Local; na Lei de Réxime Xurídico das Administracións Públicas e do Procedemento Administrativo Común e na Lei de Taxas e Prezos Públicos.

#### Disposición Final.

A presente ordenanza reguladora da taxa pola prestación do servizo de gardería infantil, entrará en vigor e será de aplicación a partir do día seguinte ó da súa publicación no Boletín Oficial da Provincia e estará en vigor ata a súa modificación ou derogación expresas.

R. 00967

### BÓVEDA

#### Información pública

Aprobado inicialmente o REGULAMENTO DO REXISTRO MUNICIPAL DE PARELLAS DE FEITO, ábrese un período de información pública por prazo de 30 días, contados a partir da inserción deste anuncio no Boletín Oficial da provincia de Lugo, para que calquera persoa física ou xurídica poida examinalo procedemento na Secretaría do Concello e formula-las alegacións que estimen pertinentes.

Dase igualmente, polo mesmo prazo audiencia ós interesados para que poidan presentar reclamacións e suxerencias. De non producirse estas alegacións, o Regulamento considerárase aprobado definitivamente.

Bóveda a 2 de marzo de 2006.- ALCALDE PRESIDENTE, José Manuel Arias López.

R. 00968

### FOZ

#### Edicto

Ó abeiro do disposto no artigo 92.2 da Lei 9/2002, de 30 de Decembro, de Ordenación Urbanística e Protección do Medio Rural de Galicia, faise público que a Corporación Municipal en sesión ordinaria celebrada o día 24 de Febreiro de 2006, prestou a súa aprobación definitiva ó Estudio de Detalle de DETERMINACION DE ALINEACIONES E RASANTES DA R/ CEMITERIO-R/ COSTA DO CASTRO EN FOZ (LUGO), promovido por Bouso Comercial Telefónica De La Costa S.L. e redactado polo Arquitecto D. José Luis Eimil Trasancos.

Faise constar asimesmo a remisión da documentación á Consellería de Política Territorial, Obras Públicas e Transportes.

Contra o citado acordo poderase interpoñer potestativamente Recurso de Reposición ante o Concello Pleno no prazo de un mes, a contar dende a publicación deste Edicto no BOP.

Contra a Resolución expresa do Recurso de Reposición poderase interpoñer Recurso Contencioso Administrativo ante o Tribunal Superior de Xustiza de Galicia, no prazo de un mes a contar dende a publicación deste Edicto.

O prazo para interpoñer o Recurso Contencioso Administrativo será de un ano dende a data da interposición do Recurso de Reposición, se a Resolución deste non fose expresa.

Advirtese tamén que poderá interpoñer calquera outro Recurso que se considere oportuno.